

华阴县志

第一
卷
九
册

華陰縣志卷十

人物 隱逸

秦

楊碩款子字洪遠洞習天文知秦將亡漢當興隱居華山仙谷

八子皆從高祖征伐爲將軍乃賜碩太史公崇祀鄉賢

按唐書宰相世系表碩字

太初從沛公征伐爲太史

漢

楊寶字稚淵安平侯譚之子也

見唐宰相世系表

年七歲因行至華山

見一黃雀被傷墜地爲螻蟻所困憐之因收于巾箱中採黃
花飼之旬日瘡愈旦去暮來忽一朝變爲黃衣少年見寶下

拜持玉環一雙贈之曰俾爾壽年九十三而終俾爾子孫四

世爲三公

瑯琊代
醉編

習歐陽尚書哀平之世隱居教授居攝二

年與兩龔蔣詡俱徵遂遁逃不知所處光武高其節建武中

公車特徵老病不至封靖節先生卒于家

後漢
書

寶子震明帝

時爲太尉震子秉和帝時爲太尉秉子賜安帝時爲司徒賜

子彪靈帝時爲司空果如黃衣之言崇祀鄉賢

按賈志卽陽縣西南仙公房漢楊
寶辟穀于此或卽其避徵之處也

楊敷奉子篤志博聞能世其家未仕卒

後漢
書

張芝字伯英燉煌人父奐爲太常徙居宏農華陰伯英名臣之

子幼而高操勤學好古經明行修朝廷以有道徵不就故時

稱張有道實避世潔白之士也好書凡家之衣帛皆書而後
練尤善章草書出諸杜度崔瑗云龍驤豹變青出於藍又荆
爲今草天縱尤異率意超曠無惜是非若清澗長源流而無
限縈迴崖谷任於造化至於蛟龍駭獸奔勝拏攫之勢心手
隨變窈冥而不知其所如是謂達節也已精熟神妙冠絕古
今則百世不易之法式不可以智識不可以勤求若達士遊
乎沉默之鄉鸞鳳翔乎大荒之野韋仲將謂之草聖豈徒然
哉

張懷瓘
書斷

芝趣造高尙學古不羣臨池作字池水盡黑故世

所寶藏寸紙不棄

宣和
書譜

唐文皇右軍傳贊云伯英臨池之妙

無復餘蹤當是時遠購冥搜古帖畢出而御府所畜其富爲

倫尙無伯英書後世豈可復得非特唐也晉世見者亦寡故
庾翼與右軍書云昔得伯英章草十紙過江亡失嘗歎妙蹟
永絕此卷章草芝白一帖差近古亦疑先賢摹仿也

黃伯思
法帖刊

誤

芝善草書每書云匆匆不暇草書人謂爲草聖芝弟昶漢

黃門侍郎亦能草今世云芝書多是昶作也

王僧虔能
書人錄

元魏

徐遵明字子判華陰人也身長八尺幼孤好學年十七隨鄉人
毛靈和等詣山東求學至上黨乃師屯留王聰受毛詩尙書
禮記一年便辭聰遊燕趙師事張吾貴吾貴門徒甚盛遵明
服膺數月乃私謂其友人曰張生名高而義無檢格凡所講

說不愜吾心請更從師遂與平原田猛略就范陽孫買德受業一年復欲去之猛略謂遵明曰君年少從師每不終業千里負帙何去就之甚如此用意終恐無成遵明曰吾今始知眞師所在猛略曰何在遵明自指心曰正在於此乃詣平原唐遷居於蠶舍讀孝經論語毛詩三禮不出門院凡經六年時彈箏吹笛以自吳慰又知陽平館陶趙世業家有服氏春秋是晉世永嘉舊本遵明乃往讀之復經數載因手撰春秋義章爲三十卷是後教授門徒每臨講坐先持執疏然後敷陳其學徒至今寢以成俗遵明講學於外二十餘年海內莫不宗仰頗好聚斂與劉獻之張吾貴皆河北聚徒教授懸納

絲粟留衣帛物以待之名曰影質有損儒者之風遵明見鄭
康成論語敘云書以八寸策誤作八十宗因曲爲之說其僻
也皆如此獻之吾貴又甚焉廣平王懷聞而徵焉遵明不好
京輦孝昌末南渡河客于任城以兗州有舊因徙居焉元顥
入洛任城太守李湛將舉義兵遵明同其事夜至民間爲亂
兵所害時年五十五永熙二年遵明弟子通直散騎常侍李
業興表曰臣聞行道樹德非求利於當年服義履仁豈邀恩
於沒世但天爵所存果致式閭之禮民望攸屬終有祠墓之
榮伏見故處士兗州徐遵明生在衡泌弗因世族之基長於
原野匪乘雕鏤之地而託心淵曠置情恬雅處靜無悶居約

不憂故能垂簾自精下帷獨得鑽經緯之微言研聖賢之妙
旨莫不入其門戶踐其堂奧信以稱大儒於海內擅明師於
日下矣是故眇眇四方知音之類延首慕德跋踵依風每精
廬暫闢杖策不遠千里束脩受業編錄將踰萬人固已企盛
烈於西河擬高蹤于北海若慕奇好士愛客尊賢罷吏遊梁
紛而成列遵明以碩德重名首蒙禮命曳裾雅步眷同置醴
黃門李郁具所知明方申薦奏之恩處心守壑之志潛居樂
道遂住不歸故北海王入洛之初率土風靡遵明確然守志
忠潔不渝遂與太守李湛將誅叛逆時有邂逅受斃凶險至
誠高節堙沒無聞朝野人士相與嗟悼伏惟陛下遠應龍序

俯執天衷每端聽而忘戾常坐思而待曉雖微功小善片言
一行莫不衣裳加室玉帛在門况遵明冠蓋一時師表當世
溘焉冥沒旌紀寂寥逝者長辭無論榮價文明敘物敦厲斯
在臣託跡諸生親承顧盼惟伏膺之義感在三之重是以越
分陳愚上誼幄座特乞加以顯謚追以好爵仰申朝廷尙德
之風下示學徒稽古之利若宸鑒昭回曲垂矜採則荒墳千

載式貴生平卒無贈謚

魏書

王騰元魏時隱士常與楊元慎周游上洛山

洛陽伽藍記

隋

楊伯醜馮翊武鄉人好讀易隱於華山隋開皇初文帝搜訪隱

逸聞其有道徵至京師見公卿不爲禮無貴賤皆汝之人不能測也高祖召與語竟無所答賜之衣服著至朝堂捨之而去常披髮佯狂遊行市里形體垢穢未嘗櫛沐開肆賣卜卦無不中國子祭酒何妥嘗與論易聞妥之言悠爾而笑曰何用鄭元王弼之言乎於是測理辨答思理元妙大異先儒之旨因問其所學曰太華之下金天洞中我曾受羲皇所教之易與大道元同理窮衆妙豈可與世儒常談而測神仙之旨乎論者以爲天然獨得非常人所及也數年復歸華山以壽

終

仙傳
拾遺

唐

吳筠字正節華州華陰人通經誼美文辭舉進士不中性高鯁
不耐沈浮於時去居南陽倚常山天寶初召至京師請隸道
士籍乃入嵩山依潘師正究其術南遊天台觀滄海與有名
士相娛樂文辭傳京師元宗遣使召見大同殿與語甚悅敕
待召翰林獻元綱三篇帝嘗問道對曰深於道者無如老子
五千文其餘徒費紙札耳復問神仙冶鍊法對曰此野人事
積歲月求之非人主宜留意筠每開陳皆名教世務以微言
諷天子天子重之羣沙門嫉其見遇而高力士素事浮屠共
短筠於帝筠亦知天下將亂懇求還嵩山詔爲立道館未幾
安祿山稱兵漁陽乃往茅山而兩京陷江淮盜賊起復東入

會稽剡中大厯十三年卒于宣城道觀弟子邵冀元與其徒
葬天柱之西麓私謚爲宗元先生始筠見惡於力士而斥故
文章深詆釋氏筠所喜孔巢父李白歌詩略相甲乙云

眞仙通鑑

楊晏塲從父兄精孝經學常手寫數十篇可教者輒遺之

唐書
塲傳

駱峻字肅之建中時游京師值朱泚李懷光相繼叛亂關中饑
屢以兵食干執事授巴陵尉職司饋運遷揚州士曹參軍以
母喪歸終喪因曰汙吾跡二十餘年食豐衣鮮以有養也今
可以行吾志也乃卜居灞陵坡下營田三百畝農圃自給不
受一人錢惠當路交辟皆不就隱處者三十六年年七十九
卒歸葬于華陰先人之塋杜牧爲誌其墓曰駱處士

李琪開元中官郎中後隱而不仕得道術至宋已數百歲嘗與

陳搏交

見宋史
陳搏傳

宋

侯師聖字仲良華陰人無可之孫從二程兄弟游人有欲館之者仲良造焉則壁垂佛像几積佛書其家人又常齋素仲良遂行或問之曰蔬食士之常分若食彼之食則非矣吾聞用夏變夷未聞變于夷者也嘗訪濂溪周子留之對榻夜談越三日乃還自謂有得如見天之廣大伊川驚異其不凡曰非從濂溪來邪後遊荆門州胡安國留與爲隣終焉安國與楊大諫時書云侯仲良者去春自荆門潰卒甲馬之中脫身相

就于潭水之濱今已兩年其安于羈苦守節不移固所未有
至于講論經術則貫通不窮商略時事則纖微皆察國勢安
危民情休戚凡務之切于今者莫不留意而皆曉也方危難
之時而使此輩人老身貧賤亦足慨矣伏望吾兄力薦于朝
俾命以官使得效一職亦不爲無補朱文公稱其學清白勁
直所著有論語說及候子雅言行世

參關
學編

李寧敷水人精於藥術老而不衰嘗以藥施人報者輒拒之祥

符四年賜號正晦先生并作詩爲賜加以茶藥繪帛

宋史方
伎傳

祥符四年二月己巳次華陰幸雲臺觀庚午召見隱士鄭隱

李甯賜茶果束帛

宋史眞
宗本紀

李寧字方叔其先自鄆徙華鴈六歲而孤能自奮立少長以學問稱鄉里謁蘇軾於黃州贄文求知軾謂其筆墨瀾翻有飛沙走石之勢撫其背曰子之才萬人敵也抗之以高節莫之能禦矣鴈再拜受教而家素貧三世未葬一夕撫枕流涕曰吾忠孝焉是學而親未葬何以學爲旦而別軾將客游四方以藏其事軾解衣爲助又作詩以勸風義者於是不數年盡累世之喪二十餘柩歸窆華山下范鎮爲表墓以美之益閉門讀書又數年再見軾軾閱其所著歎曰張耒秦觀之流也鄉舉試禮部軾典貢舉遺之賦詩以自責呂大防歎曰有司試藝乃失此奇才耶軾與范祖禹謀曰鴈雖在山林其文有

錦衣玉食氣棄奇寶于路隅昔人所歎我曹得無意哉將同
薦諸朝未幾相繼去國不果軾亡鴈哭之慟曰吾愧不能死
知已至於師事之勤渠敢以生死爲間卽走許汝間相地卜
兆授其子作文祭之曰皇天后土鑒一生忠義之心名山大
川環萬古英靈之氣詞語奇壯讀者爲悚中年絕意進取謂
穎爲人物淵藪始定居長社縣令李左及里人買宅處之卒
年五十一鴈喜論古今治亂條暢曲折辨而中理富喧溷倉
卒間如不經意睥睨而起落筆如飛馳元祐求言上忠諫書
忠厚論并獻兵鑒二萬言論西事朝廷擒羌酋鬼章將致法
鴈深論利害以爲殺之無益願加寬大當時韙其言

宋史

金

景覃字伯仁年十八有賦聲大定初三赴廉試後以病不就舉博極羣書有舉問者立誦數百言不休又從而講說之爲人誠實樂易不修威儀隱居西陽里以種樹爲業落拓嗜酒醉則浩歌日以爲常作詩有功樂府亦可傳伯仁老不廢書有勸以養目力者曰吾輩非讀書則無所用心要當死而後已耳晚年於易有所得年七十終於家自號渭濱野叟有集傳

關中

中州集

元

楊儼字敬夫涉獵經史通達世務元末隱秦倉谷中淡然無宦